

Meih nyei Leiz caux Ndaam-dorng nyei jauv

Naaiv zeiv sou fiev jienv Oregon Department of Human Services (DHS) caux Oregon Health Authority (OHA) laengz oix tengx meih nyei jauv. Naaiv se meih nyei “leiz.” Naaiv yaac fiev jienv meih laengz zoux nyei jauv nyei dongh meih tov ga’ndiev naaiv deix jauv tengx wuov zanc:

- Nyaanh
- Goux fu’jueiv jauv
- Tengx Hmuangv doic maiv horpc nyei jauv
- Tengx zorc baengc jauv
- Maaiz nyanc hopv nyaanh

Naaiv deix se meih oix zuqc “ndaam-dorng nyei jauv.”

Tov meih doqc longx deix naaiv zeiv sou. Meih haih tov DHS gong-mienh porv mengh mbuox meih. Oix zuqc naaic se gorngv maaih haaix nyungc meih maiv bieqc hnyouv. Maaih diuc baav meih oix zuqc zoux dongh meih duqv DHS fai OHA tengx meih (caux hmuangv doic) nyei ziangh hoc. Meih maiv duqv tengx aqv fai oix zuqc jauv nzuonx bun DHS fai OHA, se gorngv meih duqv tengx nyei jauv camv jhex ndaangc horpc zuqc duqv nyei.

Meih nyei leiz (meih horpc zuqc duqv DHS caux OHA tengx nyei):

- DHS caux OHA horpc zuqc maiv mangc faix meih caux baengh fim nyei tengx meih.
- Meih maaih leiz haih hiuv duqv caux tov DHA fai OHA tengx nyei jauv. Yaac horpc zuqc fungx meih mingh dieh norm dorngx tov dieh diuc tengx nyei jauv.
- Meih fungx nzuonx bun DHS fai OHA nyei sou meih horpc zuqc duqv zeiv receipt.
- Meih yaac haih tov buangh duqv gong-mienh nyei. Meih yaac haih tov buangh duqv zoux bieiv mienh nyei.
- Meih yaac haih tov tengx, zoux sou, fai longc meih haih gorngv nyei waac zoux daaih mbuox taux tiuv nyei jauv.
- DHS fai OHA oix zuqc bun dongh meih bieqc hnyouv nyei nzaangc fai sou.
- DHS fai OHA oix zuqc longc hnyouv tengx meih se gorngv maaih lengc jeiv qiemx zuqc faih maaih waaic nyei jauv. DHS fai OHA oix zuqc ei Americans with Disabilities Act caux Section 504 of the Rehabilitation Act nyei leiz.
- Meih yaac maaih leiz haih duqv mangc meih nyei sou.
- Se gorngv meih maaih “jienv nyei jauv” meih maiv zuqc tengx jienv lorz uix fu’jueiv nyaanh. Jienv nyei jauv se hngv meih tengx jienv lorz uix fu’jueiv nyaanh maaih haaix diuc haih hoic zuqc meih fai fu’jueiv. DHS fai OHA oix bun zeiv sou meih fiev jienv porv mengh taux jienv nyei jauv. Naaiv deix sou mbuox meih Oregon Child Support Program hngv haaix nor haih tengx meih lorz duqv uix fu’jueiv nyaanh, caux nyaanh zorc baengc jauv, mv baac maiv maaih haaix diuc haih oic zuqc meih caux fu’jueiv. DHS fai OHA yaac haih dau mbuox meih nyei gorngv haaix nyungc jienv nyei jauv.
- Meih mbuox DHS caux OHA nyei jauv gem jienv nyei. Meih yaac haih duqv dimv mangc taux Gem nyei jauv (Privacy Practices’) on line yiem <https://apps.state.or.us/Forms/Served/me2090.pdf> fai fiev jienv DHS offices.

- Se gorngv meih benx mienh gox mienh, meih maaih leiz haih duqv Senior Farm Direct Nutrition Program (SFDMNP) Check, se gorngv horpc zuqc duqv. Hnangv haaix yaac baac, meih maiv duqv se gorngv meih duqv dieh norm saengv nyei Senior Farmers' Market Nutrition Program (SFMNP) tengx.
- DHS caux OHA oix mbuox gorngv meih haih duqv mbuoxc ziex hnoi ga'ndiev naaiv deix tengx nyei jauv:
 - 30 hnoi myanc hopv nyaanh caux nyaanh
 - 30 hnoi nyei Temporary Assistance for Domestic Violence (TA-DVS) nyaanh – 16 norm ziangh hoc gu'nyuoz oix bun hiuv yiem zoux liuz sou cih njiec meih mbuox yie mbuo.
 - 45 hnoi tengx dieh nyungc nyei jauv
 - 7 hnoi siepv nyei nyanc hopv nyaanh, se gorngv horpc duqv.
 - 90 hnoi zorc baengc jauv ei maaih disability nyei jauv (cih njiec lengc jeiv qiex zuqc nyei jauv).
- Meih haih tov buangh gorngv duqv nyei se gorngv, meih maiv haih ei DHS fai OHA paaiv daaih nyei. Meih oix zuqc longc Administrative Hearing Request form MSC 0443 zoux daaih tov gorngv taux ga'ndiev naaiv deix jauv:
 - Nyaanh
 - TA-DVS
 - Goux fu'jueiv jauv

Maaih dauh DHS gong-mienh haih tengx meih zoux tov buangh gorngv nyei sou nyei. Nyanc hopv nyaanh, meih heuc daaih buangh, fiev fiex fai bieqc mingh buangh yaac duqv. Se gorngv meih duqv home and community – based care fai nursing home care maiv maaih leiz haih duqv gorngv zorc funx nyaanh (estate recovery claim) nyei jauv. Hoqc hiuv taux Estate Recovery Program section nyei jauv. Meih oix zuqc ei ga'ndiev naaiv deix hnoi tov, se gorngv meih duqv naaiv deix jauv tengx:

- 45 hnoi tengx nyaanh, hmuangv doic maiv horpc, fai goux fu'jueiv jauv.
- 90 hnoi tengx nyaanh nyei jauv se gorngv meih maiv duqv tengx (disqualified) ei meih nyei zoux gong jauv. Naaiv deix maiv duqv tengx nyei jauv (disqualification) se liemh maiv mingh zorc ga'ndiev naaiv deixx jauv:
 - Hnyouv nzauh baengc (Mental health)
 - Ndie-laengc (Drug)
 - Diuv (Alcohol)
- 90 hnoi tengx zorc baengc caux nyanc hopv nyaanh

Meih ndaam-dorng nyei jauv(meih oix zuqc zoux haaix nyungc):

Se gorngv meih bieqc haaix norm DHS fai OHA program, meih oix zuqc:

- Mbuox zien DHS caux OHAm mbuox zuqc caux mbuox nzengc waac.
- Meih mbuox nyei jauv nyungc baav oix zuqc maaih zong zengx. Se gorngv meih lorz maiv duqv zong zengx, meih oix zuqc bun yie mbuo ganh lorz qiex zuqc longc nyei zong zengx.
- Maaih waac mbuox haaix zanc lorz TA-DVS.
- Bieqc lorz gong caux hoqc gong se gorngv yie mbuo buac meih meih horpc zuqc bieqc. Yie mbuo yaac oix zuqc mbuox meih lorz gong se gorngv lorz duqv, meih yaac oix zuqc zoux. Naaiv se maiv zeiz gorngv taux tov zorc baengc jauv tengx nyei jauv.
- Ngoi nzuih bun DHS caux OHA nyei gong-mienh mingh mangc meih nyei biauv.
- Maaih haaix nyungc tiuv oix zuqc mbuox DHS caux OHA.

- Tengx jienv DHS caux OHA lorz zornz zengx se gorngv oix zuqc zaah dimv mangc taux meih nyei sou. Dimv mangc sou nyei jauv se ginu zuqc daaih.
- Goux sic mienh bungx meih nyei uix fu'jueiv nyaanh nyei sou yiem Department of Justice, Division of Child Support bun DHS caux OHA, cih njiec meih maaih dorngx jienv.

Se gorngv meih duqv nyanc hopv nyaanh, meih yaac oix zuqc:

- Ei nzengc ga'ndiev naaiv yietc zungv zoux, cih njiec meih maaih jienv dorngx:
 - Maiv guangc gong
 - Maiv bun zoux gong ziangh hoc zoqc njiec yietc norm Leiz-baaix 30 norm ziangh hoc
 - Lorz duqv gong oix zuqc zoux
- Mbuox caux bun ga'ndiev naaiv deix longc cuotv nyei nyaanh nyei zornz-zengx, se gorngv meih oix longc daaih funx tengx meih nyei nyanc hopv nyaanh.
 - Tengx Zorc baengc jauv
 - Daang-douz
 - Saanx heuc bun uix fu'jueiv nyaanh
 - Goux fu'jueiv jauv

Se gorngv naaic nyei ziangh hoc meih maiv mbuox naaiv deix longc cuotv nyaanh, ninh mbuo maiv longc funx cuotv tengx meih nyei nyanc hopv nyaanh. Se gorngv maaih haaix nyungc tiuv meih maiv mbuox aeqv duqv tengx camv jiex ndaangc mingh, meih oix zuqc jauv nzuonx bun DHS fai OHA.

- DHS fai OHA fai yie mbuo juangc gong zoux nyei dorngx heuc meih mingh lorz gong caux hoqc gong oix zuqc mingh.

Se gorngv meih duqv Temporary Assistance for Needy Families (TANF) fai refugee cash assistance, meih oix zuqc:

- Dimv mangc gaax baengc meih horpc zuqc haih duqv haaix nyungc tengx.
- Tov tengx caux longc dieh nyungc nyei jauv fai meih horpc zuqc duqv tengx nyei nyaanh. Meih oix zuqc hngv naaiv zoux weic meih ganh caux dieh dauh meih tengx nyei mienh. Naaiv se liemh ga'ndiev naaiv:
 - Ndortv gong nyaanh
 - Social Security nyaanh
 - Tengx No-fault injury nyaanh, naaiv se cie nyei insurance yietc zungv
- Cih njiec social services dongh saanx paaiv daaih nyei fai hoqc gong fai zoux gong.
- Mingh zorc hnyouv nzauh baengc, ndie-laengc fai hopv diuv dorngx, se gorngv DHS fai OHA buac meih qiemx zuqc tengx. Meih oix zuqc mingh naaiv deix dorngx se gorngv meih tov ziang wuov duqv tengx nyei jauv hngv.
- Oix zuqc mbuox Personal Injury Lien Unit 10 hnoi gu'nyuoz se gorngv **meih fai meih nyei hmaungv doic haaix dauh** duqv ga'ndiev naaiv deix I nyungc:
 - Duqv TANF tengx nyei jauv.
 - Zoux sou lorz jienv nyaanh nyei weic ninh mbuo zoux zuqc meih mbuo mun.

Yiem TANF, meih oix zuqc tengx jienv lorz uix fu'jueiv nyaanh cih njiec:

- Jiex mingh naaiv deix jauv maaih haaix diuc zien nyei:
 - Meih bieqc jienv JOBS Plus program
 - Meih bieqc State Family Pre- Social Security Insurance (SSI) caux Social Security Disability Insurance (SSDI) (SFPSS) program.
 - Meih bieqc Post-TANF program
 - Meih horpc zuqc duqv tengx maaih I hmuangv mienh nyei nyaanh

- Meih duqv jienv Zoux Gong Nyaanh nyei
- Haih hoic zuqc zuqc meih caux meih nyei fu'jueiv. Jangx jienv oix zuqc mbuox DHS fai OHA.

Se gorngv meih duqv Employment Related Day Care (ERDC), meih oix zuqc:

- Bun meih nyei ERDC copay tengx meih goux fu'jueiv mienh nyei hlaax-hlaax nyieqc cingx haih duqv tengx jienv mingh.
- Mbuox DHS siepv se gorngv meih ndortv gong fai dingh gong weic maaih baengc. DHS cingx haih tengx meih cingv jienv goux fu'jueiv javv mingh meih lorz gong fai maaih baengc nyei ziangh hoc.
- Meih maaih leiz haih ginv duqv meih nyei goux fu'jueiv mienh. Heuc mingh lorz DHS fai heuc 211 tengx meih lorz goux fu'jueiv mienh.
- Ginv dauh goux nyei mienh dongh haih ei jienv DHS nyei goux fu'jueiv javv hnangv ga'ndiev naaiv nor:
 - Haih ei jienv goux fu'jueiv nyei eix leiz goux
 - Maaih nzoih health caux safety standards goux nyei javv
 - Maaih mbuox goux nyei goux fu'jueiv mienh

Se gorngv meih duqv zorc baengc javv tengx, meih oix zuqc:

- Haih tov tengx nyei javv fai nyaanh dongh meih horpc zuqc duqv nyei. Naaiv se liemh fiev jienv ga'ndiev naaiv:
 - Social Security nyaanh
 - Railroad retirement nyaanh
 - Veteran's benefits
 - Lodge caux union benefits
 - Tengx No-fault injury nyaanh, naaiv se cie nyei insurance yietc zungv
 - Workers' compensation insurance
 - Long-term care insurance
 - Medical insurance
 - Medicare
- Zaah dimv mangc baengc meih oix zuqc zoux sou tov tengx zorc baengc javv.
-]Mbuox ndie-sai oc se gorngv meih maaih dieh norm dorngx tengx nyei zorc baengc javv. Eix leiz fiev jienv ga'ndiev naaiv:
 - Medicare
 - Veteran's benefits
 - Workers compensation insurance
 - No-fault personal injury naaiv se yietc zungv motor vehicle insurance
 - Dieh norm dorngx tengx nyei zorc baengc javv

Ndie-sai oix zuqc lorz dieh norm dorngx tengx nyei zorc baengv javv liuz cingx lorz DHS fai OHA

Zorqv saengv zaangc bun meih nyei zorc barngc daan bun ndaangc zorc baengc.

- Se gorngv oix zuqc, hlaax-hlaax nyieqc bun jienv nyaanh cingx haih duqv tengx zorc baengc caux tengx dieh nyungc. Naaiv deix nyaanh nyei soux mouc maiv fih hnangv, haih tiuv ei meih duqv nyaanh camv-zoqc.
- Oix zuqc mbuox Personal Injury Lien Unit 10 hnoi gu'nyuoz se gorngv **meih fai meih nyei hmaungv doic haaix dauh** duqv ga'ndiev naaiv deix I nyungc:
 - Duqv tengx zorc baengc javv fai Oregon Health Plan (OHP) tengx nyei zorc baengc javv.

- Zoux sou lorz jienv nyaanh nyei weic ninh mbuo zoux zuqc meih mbuo mun.

Hiuv taux tengx nyei jauv

Hiuv taux tengx Nyaanh nyei jauv

Tengx Nyaanh nyei jauv yaac maaih ga'ndiev naaiv deix I norm mbuox:

- Temporary Assistance for Needy Families (TANF)
- Refugee Cash Assistance (Tengx Piu-yiuh mienh nyei nyaanh)

Tengx deix baav hmuangv doic qiexx zuqc tengx nyei nyaanh Tengx nyei eix leiz hhangv ga'ndiev naaiv nor:

- Nyanc hopv
- Lui houx
- Yiem nyei dorngx
- Dang-douz nyaanh

Bun Electronic Benefit Transfer (EBT) daan se benx yietc diuc Oregon saengv nyei mienh duqv nyaanh tengx nyei jauv. Naaiv kuaaiv daan heuc Oregon Trail Card. Naaiv kuaaiv daan maiv haih hhangv nyaanh nor longc yaac maiv haih maaiz ga'ndiev naaiv buoqv ga'naaiv:

- Maaic Diuv dorngx (Liquor store) Caux jienv maaiz maaic nyei poux (retail business) maaic beer fai wine nyei dorngx.
- Casino fai ndouv zinh dorngx
- Retail adult entertainment a'nziauc dorngx, fai mangc janx muangz jaev houx dorngx. Naaiv se liemh adult video poux maaic adult videos caux faangx-nangh nyei poux.
- Maaic gaan qaa dorngx (Marijuana dispensary)

Naaiv deix leiz maiv bun meih longc dongh maiv horpc longc meih nyei Oregon Trail Card zorqv nyaanh fai longc nyaanh. Naaiv deix leiz yaac maiv bun meih mingh siqc jeiv nyaanh lamz zorqv nyaanh..

Se gorngv meih duqv Temporary Assistance for Domestic Violence Survivors (TA-DVS):

Temporary Assistance for Domestic Violence Survivors (TA-DVS) se bun nyaanh tengx taux:

- Temporary financial Assistance caux bun nyaanh tengx hmuangv doic maiv horpc qiexx zuqc tengx nyei mienh.
 - Maaih sic nyei ziangh hoc fai jiepv sih ziangh hoc.
 - Dongh maiv maaih dorngx tengx nyei ziangh hoc.

TA-DVS tengx nyei jauv se bun qekv vendor dorngx fai tengx nyei mienh.

DHS oix naaic taux meih nyei hmuangv doic yiem-lamz nyei jauv. Ndaangc nqoi nzuih bun tengx nyei nyaanh, DHS oix meih caux jienv yie mbuo liepc diuc safety plan. Nzunc -nzunc oix bun tengx nyei nyaanh oix zuqc naaic (Verification) taux TA-DVS nyei jauv. Meih nyei 90 hnoi horpc zuqc duqv tengx nyei nyaanh maiv longc nor siou jienv yiem DHS wuov. Se gorngv meih tov hmuangv doic maiv horpc nyei program tengx camv jieq ndaangc 12 hlaax nyieqc, meih tov tengx nyei siang-sou oix zuqc ganx aengx zaah dimv mangc jieq.

Se gorngv meih duqv TANF:

Paaiv nyaanh caux zorqv nyaanh (Assignment of payments)

Oix haih duqv TANF tengx, meih oix zuqc mbuox DHS fai OHA meih maaih nyei nyaanh benx:

- Meih fai dieh dauh caux jienv meih duqv TANF fai maaih leiz haih duqv diev mun nyaanh.

Naaiv se liemh duqv ga'ndiev naaiv nyungc nyaanh:

- Private health insurance;
- Cie nyei insurance
- Mienh
- Dieh norm dorngx nyei

Gu'nguaaic naaiv deix jauv heuc "assigning payments" bun DHS fai OHA. Oix haih duqv TANF tengx jienv meih ganh caux hmuangv doic mingh (liemh maiv gaengh yungz nyei gu'nguaaz) meih oix zuqc tengx jienv DHS fai OHA lorz fiev jienv ga'ndiev naaiv deix nyaanh yietc zungv:

- Mbuox DHS, OHA caux meih nyei coordinated care organization (CCO) se gorngv maaih mienh zoux zuqc meih fai hmuangv doic mun 10 hnoi gu'nyuoz oix zuqc mbuox.
- Mbuox zoux zuqc mun wuov deix mienh nyei jauv louc.
- Tengx jienv lorz heuc lorz nyei jauv louc. Naaiv se liemh insurance nyei jauv DHS fai OHA haih zorqv nyei nyaanh maaih soux mouc nyei. Maiv haih zorqv camv jiex ndaangc meih yiem zuqc mun wuov hnoi taux meih duqv ninh mbuo bun meih zuqc mun nyei nyaanh wuov zanc. Se gorngv hhangv ga'ndiev naaiv deix l diuc jauv nor, nziex meih oix zuqc jauv nyaanh nzuonx bun yie mbuo:

• DHS fai OHA bun tengx meih zorc zuqc mun nyei jauv.
• Meih duqv ninh mbuo bun funx diev mun nyei nyaanh. Mangc Information About Cash Assistance section wuov kang.

- DHS fai OHA bun tengx meih zorc zuqc mun nyei jauv.
- Meih duqv ninh mbuo bun funx diev mun nyei nyaanh. Mangc Information About Cash Assistance section wuov kang.

Meih horpc zuqc hiuv taux "nqoi nzuih bun tengx" nyei jauv.

"Tengx nyei jauv" se gorngv taux meih duqv tengx meih ganh fai meih nyei fu'jueiv, auv-nqox fai uix fu'jueiv nyaanh. Meih duqv nyaanh nyei ziangh hoc, meih duqv "nqoi nzuih bun" saengv zaangc maaih leiz siou zaeqv funx tengx meih fai hmuangv doic nyei nyaanh. Naaiv deix nyaanh jauv saengv zaangc tengx meih wuov deix nyaanh. **Jangx Jienv:** Naaiv maiv funx meih duqv ga'ndiev naaiv deix ziangh hoc tengx nyei nyaanh:

- JOBS Plus
- State Family Pre-SSI/SSDI (SFPSS) program tengx nyei jauv
- Post-TANF program
- Meih mbuo maaih jienv l hmuangv nyei ziangh hoc
- Meih duqv jienv Employment payments nyei ziangh hoc.

Meih duqv nyaanh tengx jienv wuov zanc duqv nyei uix fu'jueiv nyaanh.

Saengv zaangc siou deix tengx meih nyei nyaanh (funx ih zanc caux zinh ndaangc qiex daaih nyei nyaanh) duqv tengx meih ganh caux hmuangv doic duqv nyei nyaanh. Saengv zaangc maiv siou nzengx meih nyei uix fu'jueiv nyaanh. Saengv zaangc oix yietc hlaax fungx \$50 meih ih zanc duqv nyei uix fu'jueiv nyaanh camv taux yietc hlaax nyieqc \$200. Funx tengx meih nyei nyaanh nyei ziangh hoc naaiv deix nyaanh saengv zaangc maiv funx meih duqv bieqc nyei nyaanh

Jangx Jienv: Se gorngv meih tengx nyei nyaanh caux hhangv gorngv jienv ga'ndiev naaiv nor,

saengv zaangc maiv zorqv meih nyei uix fu'jueiv nyaanh:

- SFPSS program
- JOBS Plus
- Maaih I hmuangv nyei domh mienh

Funx mangc gaax meih horpc duqv tengx fai maiv horpc duqv tengx wuov zanc, \$50 (yietc dauh fu'jueiv yietc hlaax nyieqc camv taux \$200) meih duqv nyei uix fu'jueiv nyaanh maiv dorh daaih funx meih duqv bieqc nyei nyaanh.

Meih duqv tengx baac nyei ziangh hoc:

- Meih duqv nzengc meih nyei uix fu'jueiv nyaanh;
- Saengv zaangc siou deix funx meih duqv nyaanh tengx wuov zanc qiemx daaih nyei nyaanh.
- Dongh meih maiv duqv nyaanh tengx wuov zanc qiemx daaih nyei nyaanh meih duqv nzengc.

Tengx jienv Child Support lorz uix fu'jueiv nyaanh

Meih duqv nyaanh tengx jienv nyei ziangh hoc, meih oix zuqc tengx jienv saengv zaangc nyei Child Support Program lorz uix fu'jueiv nyaanh.

Jienv nyei: Maiv zuqc tengx jienv lorz uix fu'jueiv nyaanh se gorngv hnamv daaih tengx jienv lorz uix fu'jueiv nyaanh nziex maaih haaix nyungc haih hoic zuqc meih fai meih nyei fu'jueiv.

Tengx jienv Child Support lorz uix fu'jueiv nyaanh nyei eix leiz hhangv naaiv:

- Tengx jienv lorz fu'jueiv nyei domh mienh.
- Mbuox gorngv haaix dauh zien fu'jueiv nyei die (haih nyiemc jienv zoux domh mienh); caux
- Zoux sou lorz uix fu'jueiv nyaanh.

Tengx nyei Zorc baengc jauv (Medical Assistance)

Doqc longx deix naaiv deix jauv

Meih mbuox yiem naaiv zeiv sou nyei waac yietc zungv haih zuqc federal, saengv zaangc caux buonh deic hungx jaax zaah dimv mangc nyei. Yie mbuo dimv mangc meih tov tengx zorc baengc jauv, DHS caux OHA oix longc ga'ndiev mnaaiv deix jauv zaah mangc:

- Duqv bieqc nyei nyaanh caux Eligibility Verification System (IEVS)
- Maaih nyei ga'naaiv/Asset Verification System (AVS)

AVS lorz ga'ndiev naaiv deix meih mbuox hmuangv doic duqv nyaanh bieqc nyei jauv louc mangc haaix zanc tov caux duqv tengx nyei zorc baengc jauv. AVS lorz ga'ndiev naaiv deix jauv, maiv gunv meih mbuox fai maiv mbuox.

- Nyaanh lamz/Financial institutions
 - Bank accounts
 - Credit union accounts
- Biauveyi sou/Real property records
 - Biauveyi
 - Ndau-deic
 - Cie nyei sou
 - Cie

Tong leiz fou-cai oix zuqc mbuox duqv nyaanh nyei sou DHS caux OHA yaac haih bun naaiv deix jauv law enforcement tengx lorz janx-zaqc nyei.

Paaiv nyaanh caux zorqv nyaanh (Assignment of payments)

Oix haih duqv tengx nyei zorc baengc jauv, meih oix zuqc bun DHS, OHA caux meih nyei CCO meih nyei nyaanh dongh:

- Meih ganh fai dieh dauh caux meih duqv zorc baengc jauv (medical assistance) tengx nyei mienh, duqv fai oix duqv nyei diev mun nyaanh fai medical assistance tengx cuotv nyei zorc baengc nyaanh.

Naaiv se liemh duqv ga'ndiev naaiv nyungc nyaanh:

- Private health insurance;
- Cie nyei insurance
- Mienh
- Dieh norm dorngx nyei

Naaiv ninh mbuo heuc "assigning payments" bun DHS fai OHA caux CCOs. Paaiv bun nyaanh (assigning payment) benx automatic mi'aqv duqv zorc baengc jauv tengx nyei mienh. Oix duqv zorc baengc jauv tengx jienv mingh, meih caux hmuangv doic (liemh maiv gaengh yungz nyei gu'nguaaz) oix zuqc tengx jienv DHS fai OHA lorz ga'ndiev naaiv deix nyaanh:

- Mbuox DHS, OHA caux meih nyei CCO se gorngv meih fai hmuangv doic zuqc mun 10 hnoi gu'nyuoz oix zuqc mbuox.
- Mbuox zoux zuqc mun wuov deix mienh nyei jauv louc.
- Tengx jienv lorz heuc lorz nyei jauv louc. Naaiv se liemh insurance nyei jauv DHS fai OHA

haih zorqv nyei nyaanh maaih soux mouc nyei. Maiv camv jiex ndaangc zoux zuqc meih mun wuov dauh horpc zuqc tengx nyei zorc baengc nyaanh Se gorngv meih duqv TANF tengx jienv nyei nziex meih oix zuqc jauv nzuonx. Mangc Information About Cash Assistance section wuov kang.

Yie mbuo haih zorqv fai kangh jienv naaiv deix nyaanh dongh ninh mbuo horpc zuqc jauv nzuonx bun DHS, OHA cai CCO.

Bungx nyei waac (Release of information)

Meih oix zuqc laengz bun zorc baengc nyei jauv insurance companies:

- Ndie-sai
- Ndie-dorngx
- Gong-ziouv
- Hungx jaa tengx nyei dorngx

Naaiv se gorngv tauh meih ganh caux hmuangv doic yietc zungv dongh duqv nyaanh tengx nyei mienh. Naaiv se kungx zoux ziangx bun DHS fai OHA haih duqv nyaanh nzuonx hngv.

Se gorngv meih maaih dieh norm insurance

Se gorngv meih ganh fai hmuangv doic haaix dauh maaih dieh norm insurance, oix zuqc mbuox ndie-sai, clinic fai ndie-dorngx) ndaangc ninh mbuo tengx meih zorc baengc. Se gorngv meih maaih cie nyei insurance nyei liuz aeqv cie zong zuqc jaax mun oix zuqc mbuox meih nyei cie nyei insurance zorc baengc dorngx. Ninh mbuo oix zuqc lorz liuz dieh norm insurance company nyei nyaanh ndaangc lorz OHA. Se gorngv DHS fai OHA bun horpc zuqc dieh norm insurance bun nyei zorc baengc nyaanh, DHS fai OHA oix zuqc lorz nyaanh nzuonx. Eix leiz:

- Se gorngv DHS fai OHA bun horpc zuqc dieh norm insurance bun nyei zorc baengc

nyaanh, DHS fai OHA oix dieh norm insurance jauv nyaanh nzuonx.

- Se gorngv DHS fai OHA bun liuz nyaanh zorc baengc dorngx aeqv dieh norm insurance company yaac bun zorc baengc nyaanh zorc baengc dorngx, DHS fai OHA oix zorc baengc dorngx fungx nyaanh nzuonx.
- Se gorngv DHS fai OHA bun liuz nyaanh zorc baengc dorngx aeqv insurance company fungx nyaanh bun meih, meih oix zuqc dorh naaiv deix nyaanh mingh bun DH fai OHA.

Zorqv ndau-deic (Estate Recovery Program)

Zorqv ndau-deic/Estate Recovery Program nyei eix leiz se nyauv nyei hngangv ga'ndiev naaiv nor:

- Tengx zorc baengc jauv
- General Assistance
- Oregon Supplemental Income Program
- Laanh baav mienh duqv Medicare caux Medical Assistance I nyungc zungv zoux yietc nzunc duqv tengx.

Zoqrv ndau-deic nyei eix leiz se oix zoqrv daic mingh nyei mienh nyei jaah dingh daaih funx zaeqv. Maaih deix nyaanh fungx nzuonx bun federal government. Zengc wuov deix liouh tengx dieh dauh mienh. Maaih ziex nyungc estate recovery nyei jauv.

Saengv zaangc maaih leiz haih zorqv meih nyei ndau-deic.

DHS fai OHA haih zorqv nyaanhndau-deic (ei naaiv ORS 416.350) meih daic mingh se gorngv horps hngangv ga'ndiev naaiv nor.

- Se hngangv ga'ndiev naaiv nor, zorqc baengc nyei nyaanh longc meih nyei ndau-deic nyaanh bun:
 - Saengv zaangc tengx meih zorc baengc jiex liuz Ziepc hlaax 1, 2013.
 - Meih gauh gox 54 hnyangx aeqv aeqv duqv long-term care tengx nyei jauv.Naaiv liemh Oregon Health Plan tengx meih bun managed care plan fai bun CCO nyei nyaanh.
- Se hngangv ga'ndiev naaiv nor, zorqc baengc nyei nyaanh longc meih nyei ndau-deic nyaanh bun:
 - Saengv zaangc tengx meih zorc baengc jiex liuz Ziepc hlaax 1, 2013.
 - Meih gauh gox 54 hnyangx, fai maih nyungc baav trusts:
 - Lengc jeiv qiex zuqc nyei trust
 - Income cap trusts
- Se gorngv meih duqv ga'ndiev naaiv deix tengx nyei jauv, nziex maaih haih zoqrv meih nyei ndau-deic funx:
 - Oregon Supplemental Income Program
 - Nyungc baav fai Certain General Assistance
 - Saengv zaangc oix zuqc tengx meih hlaax-hlaax bun nyaanh weic zuqc meih duqv 2 nyungc medical assistance caux Medical Part B.

DHS caux OHA maiv lorz naaiv deix nyaanh se gornvg meih nyei fou-cai corc ziangh jienv nyei.

DHS caux OHA maiv haih zorqv meih nyei ndau-deic se gorngv meih nyei jiex mingh naaiv deix hmuangv doic corc ziangh jienv nyei:

- Meih nyei cien fai fu'jueiv hlorpv corc maiv gaengh buangv 21 hnyangx. Jangx Jienv: Naaiv maiv funx step fu'jueiv

- Maaih cien fu'jueiv fai fu'jueiv-hlorpv m'zing maenghfai waaic nyei(eiei Social Security funx nyei).

Jangx Jienv: Tov jangx jienv zorqv ndau-deic nyaanh nyei doh leiz haaix zanc oix tiuv yaac duqv nyei.

Haaix dauh duqv kaeqv mienh nyei ndau-deicoix zuqc mbuox DHS fai OHA zorqv guangc ndau-deic funx zaeqv weic maaih kouv nanc (hardship waiver). Tov hardship waiver nyei jauv yiem Estate Administration Unit dongh jiex gorn lorz ndau-deic wuov zanc fungx mingh bun wuov.

Heuh mingh lorz Estate Administration Unit fiev jienv ga'ndiev naaiv:

Estate Administration Unit PO Box
14021
Salem, OR 97309-5024
503-378-2884
1-800-826-5675 (yiem Oregon gu'nyuoz
hngangv) Fax: 503-378-3137

Ziangh hoc soux mouc

TANF nyei soux mouc ziangh hoc

Yiem Oregon duqv TANF tengx nyei mienh maaih biao hnyangx nyei ziangh hoc. Tov meih naaic gaax meih nyei goux sou-gorn mienh meih oix zuqc hngangv haaix nor zoux.

Refugee Cash Assistance nyei ziangh hoc

Refugee Cash Assistance tengx camv taux hietc hlaax nyieqc hngangv ga'ndiev naaiv nor:

- Meih bieqc deic-bung.
- Meih duqv benx bieqc deic-dung mienh.

Tov meih naaic gaax meih nyei goux sou-gorn mienh meih oix zuqc hngangv haaix nor zoux.

Supplemental Nutrition Assistance Program (SNAP (maaiz nyanc hopv nyaanh)).

Duqv SNAP tengx yaac maaih ziangh hoc nyei yietc hnyangx duqv tengx buo hlaax nyieqc hngangv.:

- Waangc siangx nyei domh mienh maiv maaih fu'jueiv

maiv zeinor oix zuqc zoux gong nyei. Naaic gaax meih nyei goux sou-gorn mienh meih hngangv haaix nor zoux.

Mbuox taux tiuv nyei jauv

Se gorngv meih duqv DHS fai OHA tengx nyei jauv, tiuv nyei jauv maaih nyungc baav haih kangh zuqc tengx meih caux hmuangv doic nyei. Se gorngv horpc zuqc mbuox nyei jauv meih maiv mbuox nor, nziex meih duqv tengx nyei jauv camv jiex ndaangc Caux meih yiem nyei mienh

maaih haaix dauh buangv 18 hnyangx fai gauh gox nziex oix zuqc jauv nyaanh nzuonx.

nqoi nzuih tengx nyei ziangh hoc, meih nyei sou porv mengh nyei mbuox meih gorngv haaix nyungc caux haaix zanc oix zuqc mbuox. Maiv norm- norm program mbuox nyei jauv fih hngangv. Haaix nyungc caux haaix zanc mbuox maiv fih hngangv.

Meih mbuox taux tiuv nyei ziangh hoc, goux sou-gorn mienh mbuox meih gorngv oix zuqc longc zorong-zengx fai maiv zuqc. Se gorngv mbuox nyei jauv haih tiuv tengx meih nyei jauv, goux sou-gorn mienh mbuox meih aqv. Se gorngv meih maiv hiuv duqv gorngv oix zuqc mbuox nyei fai maiv zuqc, meih naaic goux sou-gorn mienh.

Baatc zuiz

Mbuox taux Cash Assistance program zuqc baatc nyei ajuv

Se gorngv meih ba'baac zoux nduov oix duqv Temporary Assistance for Needy Families (TANF) fai Refugee Cash Assistance (RCA) nyanh tengx nor haih dorngc nyei.

- Maiv mbuox zien meih ganh fai meih tov tengx nyei mienh nyei jauv louc.
- Bingx meih ganh fai meih tov tengx nyei mienh nyei jauv.
- Maiv mbuox zien meih yiem nyei dorngx.

Haih hngangv naaiv se gorngv meih bingx gu'nguaaic naaiv deix jauv.

- Da'yietv nzunc meih maiv duqv TANF 12 hlaax nyieqc
- Da'nyic nzunc meih maiv duqv TANF 24 hlaax nyieqc
- Da'faam nzunc meih yietc liuz maiv duqv TANF tengx aqv.
- Meih oix zuqc jauv nzuonx nzengc dongh meih maiv horpc zuqc duqv nyei TANF nyaanh.
- Tengx meih nyei nyanc hopv nyaanh yaac maiv camv faaux maiv gunv meih maiv duqv gauh zoqc TANF.

Yiem TA-DVS Program se gorngv meih ba'baac zoux ga'ndiev naaiv deix jauv, meih yaac haih zuqc baatc:

- Maiv mbuox zien meih nyei goux fu'jueiv jauv caux fu'jueiv caux haaix dauh yiem.
- Maiv mbuox zien meih nyei Oregon residency.

Mbuox taux Supplemental Nutrition Assistance Program (SNAP) baatc nyei jauv

Se gorngv meih zoux ga'ndiev naaiv:	Meih maiv haih duqv Maaiz Nyanc Hopv nyaanh tengx Lauh:
<ul style="list-style-type: none"> • Bingx waac fai gorngv-baeqv nduov: • Longc dieh dauh nyei Electronic Benefits Transfer (EBT) cards. • Longc maaiz nyanc nyaanh maaiz diuv fai in-mbiaatc; • Tiuv fai maaic tengx nyei nyaanh fai EBT card; • Dox wuom guangc liuz dorh ndongh mingh tiuv nyaanh; • Longc maaiz nyanc hopv nyaanh maaiz lai maaic nyaanh; 	<ul style="list-style-type: none"> • Dorngc da'yietv nzunc baatc 12 hlaax nyieqc; • Dorngc da'nyic nzunc baatc 24 hlaax nyieqc; • Dorngc da'faam nzunc baatc yietc liuz;
<ul style="list-style-type: none"> • Dorh tengx nyei nyaanh mingh maaiz ga'naaiv-laengc eix leiz drugs; 	<ul style="list-style-type: none"> • Dorngc da'yietv nzunc baatc 24 hlaax nyieqc; • Dorngc da'nyic nzunc baatc yietc liuz;
<ul style="list-style-type: none"> • Dorh maaiz nyanc hopv nyaanh mingh maaiz congx, yunh fai ga'naaiv mbeux; 	<ul style="list-style-type: none"> • Yietc liuz;
<ul style="list-style-type: none"> • Tiuv, maaiz fai maaic tengx nyei maaiz nyanc hopv nyaanh \$500 fai gauh camv. 	<ul style="list-style-type: none"> • Yietc liuz;
<ul style="list-style-type: none"> • Gorngv-baeqc nduov gorngv meih haaix dauh caux meih yiem nyei dorngx liuz meih duqv tengx nyei nyaanh gauh camv. 	<ul style="list-style-type: none"> • Dorngc yietc nzunc baatc10 hnyangx.

Meih yaac haih zuqc hngangv ga'ndiev naaiv nor:

- Zuqc baatc camv taux \$250,000
- Bieqc loh lauh taux 20 hnyangx
- Zuqc ei federal leiz baatc

Se gorngv meih ba'baac zoux ga'ndiev naaiv:	Nziex meih oix zuqc hngangv ga'ndiev naaiv nor:
<ul style="list-style-type: none"> • Longc maiv zeiz meih ganh nyei EBT cards. • Suiv meih nyei EBT cards nyei nyaanh bun dieh dauh. • Zorqv fai longc dieh dauh nyei EBT cards 	<ul style="list-style-type: none"> • Dorngc felony fai misdemeanor zuiz. • Zuqc baatc. • Bieqc loh; • Maaih ziangh hoc maiv haih duqv nyanc hopv nyaanh tengx.

Suiv ga'naaiv nyei zuiz

Nziex maiv haih duqv nyungc baav tengx nyei jauv se gorngv meih suiv zic duqv gauh zoqc nyei ga'naaiv. Meih guangc fai maaic, yie mbuo gorngv naaic meih suiv zic duqv zinh nyaanh nyei

ga'naaiv. Ga'naaiv se benx dongh zic duqv zinh nyaanh fai maaih jaah zinh nyei ga'naaiv Eix leiz ga'ndiev naaiv:

- Biauv
- Biauv fai ndau (Property)
- Cie
- Nyaanh

Caux meih nyei goux sou-gorn mienh gorngv nddangc meih guangc ga'naaiv oc.

Se gornvg meih suiv ga'naaiv nziex meih maiv haih duqv ga'ndiev naaiv deix jauv tengx:

- Long-term care (LTC) tengx nyei jauv
 - Adult foster homes
 - Assisted living facilities
 - In-home services
 - Nursing facilities
 - Dieh nyungc tengx nyei jauv
- Tengx Pih yih mienh nyei Nyaanh (Refugee Cash)
- Refugee Medical assistance tengx nyei zorc baengc jauv:
- Supplemental Nutrition Assistance Program (SNAP (maaiz nyanc hopv nyaanh)).
- Temporary Assistance for Needy Families (TANF) tengx nyei nyaanh.

Yie mbuo dimv mangc ndaangc mangc gaax meih duqv suiv jiex ga'naaiv dorngc jiex zuiz nyei fai.

- LTC yie mbuo mangc daux nqaang 5 hnyangx.
- TANF yie mbuo mangc daux nqaang 3 hnyangx.
- Refugee Cash caux Refugee Medical yie mbuo mangc daux nqaang 3 hnyangx.
- SNAP yie mbuo mangc daux nqaang 3 hlaax nyieqc.

Suiv ga'naaiv nyei zuiz yiem meih tov wuov zanc jiex gorn liuz duqv tengx aqv. Kungx gu'nguaaic naaiv deix jauv haih zuqc baatc hngangv. Dorngc nyei zuiz dongh yie mbuo maiv bun meih tov tengx nyei jauv. Se gorngv meih suiv ga'naaiv dongh meih duqv tengx jienv nyei ziangh hoc yaac haih maaih zuiz nyei. Dorngc nyei zuiz se dingh njiec tengx nyei jauv. Se gornvg meih nyei LTC tengx nyei jauv nzengc haih zoux bun zoqc njiec fai guon tengx meih nyei zorc baengc jauv.

Mbuox taux yietc zungv program tengx nyei jauv.

Yie mbuo maiv bun kuei nyei leiz zaangc

Department of Human Services (DHS) caux Oregon Health Authority (OHA) tengx nyei jauv maiv bun kuei zuqc haaix dauh. Eix leiz se DHS caux OHA oix tengx dauh dauh fih hngangv. DHS caux OHA maiv haih tengx maiv fih hngangv weic ga'ndiev naaiv:

- Hnyangx jeiv
- Mienh fingx
- Setv zeiv
- Deicbung
- M'jangc/m'sieqv:
- Buoqc zaangc
- Political beliefs
- Waaic fangx
- A'nziauc jauv

- Dornng jaa jauv:

Meih maaih leiz haih zoux sou gox duqv nyei se gorngv hnamv daaih DHS fai OHA tengx nyei jauv maaih haaix diuc maiv baengh fim bun meih. Oix zoux sou fungx mingh gox, meih heuc fai fiev bun Governor's Advocacy Office:

Governor's Advocacy Office 500
 Summer Street NE, E17Salem, OR
 97301
 503-945-6904
 1-800-442-5238
 TTY 711
 Email: DHS.info@state.or.us

“Baengh fim nyei jauv se yietc nyungc leiz!”

Yie mbuo caux U.S Department of Argriculture (USDA) caux U.S Health & Human Servicse (HHS) zoux gong. Yietc zungv benx baengh leiz nyei gong-ziouv. Auxiliary aids bun mienh waaic mienh longc nyei ga'naaiv yaac maaih nzoih nyei se gorngv qiemx zuqc nor mbuox oc.

Oix zoux sou gox taux USDA caux HHS, tov doqc “Client Discrimination Complaint Information” form DHS 9001) mangc. Oix lorz naaiv zeiv sou doqc mangc “Information and Referral Packet” (DHS 6609).

- *SNAP tengx nyei mienh maaih protection from political belief discrimination nyei.
- *Sexual orientation yaac maaih saengv zaangc leiz beu jienv nyei, mv baac maiv maaih federal leiz.
- *Medical tengx nyei mienh maaih dornng jaa leiz beu maiv bun maaih kuei nyei jauv.

Weic haaix diuc yie mbuo longc meih nyei Social Security hoc

Ga'ndiev naaiv se mbuox taux tov nyaanh fai nyanc hopv nyaanh tengx nyei mienh oix zuqc bun ninh mbuo nyei Social Security hoc (SSN) DHS caux OHA:

- Federal leiz (42 USC 1320b-7(a) caux (b), 7 USC 2011-2036, 42 CFR 435.910, 42 CFR 435.920 and 42 CFR 457.340(b))
- Oregon Saengv zaangc leiz (OAR 461-120-0210)

Se gorngv meih bun jienv SSN, haih bun zoux tov tengx nyei sou gauh siepv. Se gorngv haaix dauh maiv maaih SSN, mingh mangc www.ssa.gov mbuox taux hnavng haaix nor tov.

- DHS caux OHA oix zuqc longc SSN dimv mangc gaax meih haih duqv tengx nyei jauv. Yie mbuo ei ga'ndiev naaiv longc meih nyei SSN:
 - Dimv mangc meih duqv bieqc nyei nyaanh
 - Dimv mangc meih maaih nyei ga'naaiv
 - Doix mangc dieh norm saengv caux federal nyei sou eix leiz hnavng ga'ndiev naaiv nor:
 - Internal Revenue Service (IRS)
 - Medicaid
 - Uix Fu'jueiv nyaanh (Child support)
 - Social Security Administration
 - Ndortv gong nyaanh

- Dieh nyungc programs tengx nyei jauv.
- DHS/OHA haih dorh meih nyei SSN mingh beiv mangc taux siou zaeqv nyei jauv fai tov fai duqv program tengx nyei jauv.
- DHS caux OHA haih longc fai bun meih nyei SSN:
 - Se gorngv horpc zuqc bun taux meih tov program tengx fai duqv zipv tengx nyei jauv.
 - Oix longc zaah dimv mangc caux zorc tengx nyei jauv bun gauh longx;
 - Oix longc daaih zaah dimv caux beiv mangc taux tengx duqv horpc nyaanh nyei soux mouc.
 - Dimv mangc maiv bun meih duqv tengx camv jiex ndaangc yietc buonc mienh.

Tov Refugee Cash Assistance caux Employment Related Day Care (ERDC) tengx nyei jauv yie mbuo maiv zuqc longc Social Security hoc.

Yie mbuo yaac maiv zuqc longc Social Security hoc tengx taux TA-DVS nyei jauv. Meih maiv zuqc bun se gorngv maaih haaix diuc haih hoic zuqc meih fai meih hmuangv doic weic domestic violence.

Weic yie njiec jienv mbuox(se liemh baeqc waac fai electronic njiec mbuox), yie laengz hhangv ga'ndiev naaiv nor:

- Yie duqv mbuox DHS caux OHA zien nyei, zuqc nyei caux mbuox nzengc waac.
- Yie dorng jienv leiz njiec mbuox naaiv zeiv tov nyei sou. Eix leiz se, ei yie hiuv nyei, yie duqv mbuox zien waac yietc zungv yiem naaiv zeiv sou naaic nyei jauv. Yie bieqc hnyouv nyei ei federal leiz se gorngv yie gorngv baeqc yie oix haih zuqc hhangv ga'ndiev naaiv nor:
 - Baatc zuiz
 - Oix zuqc liuc leiz duqv zuqc camv jiex ndaangc nyei nyaanh.
- DHS caux OHA haih dimv mangc yie nyei sou nyei. Naaiv se liemh DHS daaih yie nyei biauv.
- Maaih haaix diuc tiuv yie haih mbuox DHS caux OHA nyei ei ninh mbuo gorngv haaix zanc yie oix zuqc mbuox.
- Yie nyei citizenship yie yaac mbuox zien nyei gorngv taux yie ganh caux dieh dauh yie tov fai duqv tengx nyei mienh.
- Yie hiuv nyei DHS caux OHA haih zaah dimv mangc yie caux dieh dauh yie tov caux duqv tengx nyei mienh nyei immigrationjauv.
- Yie hiuv nyei DHS caux OHA lorz U.S. Citizenship and Immigration Services (USCIS) sou mangc gaax haaix dauh haih duqv tengx nyei jauv. DHS caux OHA oix naaic gaax USCIS haaix dauh maiv haih duqv tengx.
- Yie nqoi nzuih bun fungx yie nyei uix fu'jueiv sou mingh bun DHS caux OHA yiem Department of Justice (DOJ), Division of Child Support (DCS).
- Domh mienh yiem 16 taux 60 hnyangx dongh yiem naaiv zeiv sou tov nyanc hopv nyaanh (SNAP) wuov deix oix zuqc mingh state's employment program wuov faaux mbuox. Se gorngv nqa'haav hingv yie aengx tim naaiv norm hnyangx jeiv mienh bieqc, ninh mbuo yaac oix zuqc mingh faaux mbuox.
- Se gorngv meih maiv meih tov nyaanh tengx wuov dauh nyei Social Security hoc DHS caux OHA, ninh maiv haih duqv tengx nyei jauv.
- DHS caux OHA maiv longc ga'ndiev naaiv deix nyaanh funx tengx meih nyei jauv se gorngvyie maiv mbuox
 - Yiem nyei dorngx
 - Tengx Zorc baengc jauv

- Goux fu'jueiv jauv
- Saanx paaiv daaih nyei uix fu'jueiv nyaanh
- DHS caux OHA longc computer zaah dimv mangc nzengc meih mbuox njiec naaiv zeiv sou nyei jauv. Naaiv liemh beiv mangc nzengc ga'ndiev naaiv buoqv:
 - Nyaanh lamz (Bank)
 - Duqv bieqc nyei nyaanh (Income)
 - Ndortv gong nyaanh
- Yie bieqc hnyouv nyei DHS caux OHA haih dorh yie nyei SSN caux dauh dauh yie tov tengx nyei mienh nyei SSN weic. Yietc zungv fiev jienv ga'ndiev naaiv deix program weic.
- DHS caux OHA nziex haih bun fiev njiec naaiv zeiv tov tengx nyei sou nyei jauv:
 - Federal caux saengv zaangc agencies dimv sou nyei dorngx.
 - Hungh jaa gong mienh (Law-enforcement officials), tengx zorqv biaux nyei janx-zaqc.
 - Federal caux saengv zaangc agencies caux private collection agencies, se gorngv yie oix zuqc jauv nyaanh nzuonx bun DHS fai OHA.
- DHS caux OHA oix longc yie nyei jauv liuc leiz mangc taux dieh norm tengx zuangx zaangc nyei dorngx dongh yie duqv DHS fai OHA tengx nyei jauv.
- Yie bieqc hnyouv nyei DHS fai OHA haih dimv mangc taux yie longc Oregon Trail Card mingh haaix zorqv nyaanh. Yie bieqc hnyouv nyei yie maiv haih dorh yie nyei Oregon Trail Card mingh hngangv longc nyaanh nor longc fai zorqv nyaanh yiem:
 - Maaic Diuv dorngx (Liquor store) Caux jienv maaic maaic nyei poux (retail business) maaic beer fai wine nyei dorngx.
 - Casino fai ndouv zinh dorngx.
 - Retail adult entertainment a'nziauc fai janx-muangz jaev houx nyei dorngx. Naaiv se liemh adult video poux maaic adult videos caux faangx-nangh nyei poux.
 - Maaic gaan qaa dorngx (Marijuana dispensary).

Yie bieqc hnyouv nyei haaix dauh njiec mbuox naaiv zeiv tov tengx nyei sou oix zuqc jauv nyaanh nzuonx bun DHS fai OHA se gorngv duqv zuqc tengx nyei jauv camv jiex ndaangc. Dongh caux jienv yie tov nyei mienh caux tov div tengx nyei mienh oix zuqc liuc leiz jauv nyaanh nzuonx.

Se gorngv yie paaiv dauh div nyei mienh fai zoux alternate payee, yie bieqc hnyouv hngangv ga'ndiev naaiv nor:

- Se gorngv ninh mbuo maiv mbuox zien liuz yie mbuo hmuangv doic duqv tengx nyei jauv camv cung, yie mbuo oix zuqc jauv nzuonx camv wuov deix.
- Yie nyei alternate payee maaiah leiz haih longc tengx yie nyei nyaanh nyei. Yie maiv haih duqv nzuonx aqv se gorngv yie maiv nqoi nzuih mv baac tengx yie goux nyaanh mienh longc yie nyei nyaanh.
- Yie maiv haih longc div nyei mienh fai alternate payee yiem naaiv TA-DVS program tengx nyei jauv.

Se gorngv yie tov tengx nyei nyaanh __ yie nqoi nzuih bun saengv zaangc maaiah leiz siou uix fu'jueiv nyaanh. Naaiv se yiem Program information, tengx nyaanh nyei section wuov duqv porv mengh mbuox jienv nyei. Yie bieqc hnyouv nyei yie maiv zuqc tengx jienv lorz uix fu'jueiv nyaanh se gorngv maaiah haaix diuc haih zoux hoic zuqc yie fai fu'jueiv.

Se gorngv yie tov nyaanh caux nyanc hopv nyaanh __ yie bieqc hnyouv nyei yie maiv haih longc tengx nyei nyaanh mingh Food Distribution Program on Indian Reservations (FDPIR) caux SNAP dongh zanc longc.

Se gorngv yie tov Employment Related Day Care ____ yie bieqc hnyouv nyei tengx goux fu'jueiv jauv nyei.

Yie duqv nyei nyaanh oix zuqc mbuox Oregon Department of Revenue. Naaiv haih zoux bun haih kangh zuqc yie nyei nzou-zinh zaeqv fai duqv nzuonx nyei nyanh.

Se gorngv yie tov Medical Assistance __ yie bieqc hnyouv nyei nyungc baav baengc caux ga'naaiv longc maaih deix oix zuqc tov ndaangc (prior authorization) (PA). Yie oix zuqc duqv PA yiem DHS fai OHA fai yie nyei coordinated care plan ndaangc cingx zorqv.

Yie caux yie nyei fou-cai duqv nyaanh nor oix zuqc mbuox, DHS fai OHA haih duqv (beneficiary).